

# Maidam taja asnaf kuat beribadat tunai haji

KOSMO 11/23 KYS: 15

**KUALA TERENGGANU** – Golongan asnaf miskin berkelayakan di Terengganu berpeluang untuk menunaikan ibadah haji secara percuma yang ditaja sepenuhnya oleh Majlis Agama Islam dan Adat Melayu Terengganu (Maidam).

Yang Dipertua Maidam, Datuk Shaikh Harun Shaikh Ismail berkata, program khas tersebut bertujuan membantu golongan

tidak berkemampuan tersebut mengerjakan Rukun Islam kelima.

Beliau berkata, sebelum ini Maidam pernah menaja ibadah haji buat individu yang menerima anugerah Maal Hijrah peringkat negeri seperti keluarga mithali dan imam contoh.

"Kita mencadangkan agar individu asnaf miskin yang bakal terpilih nanti mestilah berusia lebih

50 tahun, sering menunaikan solat fardu berjemaah di surau atau masjid dan rajin menghadiri aktiviti keagamaan.

"Dia juga mempunyai akhlak baik seperti mempunyai hubungan baik dengan jiran dan melaksanakan ibadah dan hukum Islam sesempurna mungkin," katanya di sini semalam.

Shaikh Harun berkata, Maidam sedang melakukan perbin-

cangan peringkat awal berhubung program khas terbabit.

Jelas beliau, bilangan jemaah haji yang bakal dipilih menerusi program khas tersebut setiap tahun bergantung kepada kuota akan ditetapkan pihak berkuasa negara ini dan Arab Saudi.

"Buat permulaan, kami menjangkakan tajaan mengerjakan ibadah haji itu akan melibatkan sehingga lima orang," jelasnya.



Kita mencadangkan agar individu asnaf miskin yang bakal terpilih nanti mestilah berusia lebih 50 tahun, sering menunaikan solat fardu berjemaah di surau atau masjid dan rajin menghadiri aktiviti keagamaan."